

ԴԱՎԻԹ-ԲԵԿԻ ՊԱՅՔԱՐԸ ՕՍՄԱՆՅԱՆ ՆԵՐԻՈՒԺՄԱՆ ԳԵՄ ԵՎ
ՀԱՐԱՔԵՐՈՒԹՅՈՒՆՆԵՐԸ ԻՐԱՆԱԿԱՆ ՀՍԿԱՕՍՄԱՆՅԱՆ ԳԻՄԱԳՐԱԿԱՆ
ՈՒԺԵՐԻ ՀԵՏ

Պատմ. գիտ. դոկտոր Հ. Գ. ՓԱՓԱՉՅԱՆ

Դավիթ-բեկի գլխավորությամբ 1722—1728 թթ. Սյունիքում մղված ազատագրական կռիվների պատմության հիմնական սկզբնաղբյուրը Վենետիկի Մխիթարյան հայրերից, սեբաստացի Դուկաս Ստեփանոսյանի գրի առած պատմությունն է, որը նախապես գիտական շրջանակներին ծանոթ էր «Ընտիր պատմություն Դավիթ-բեգին և պատերազմաց հայոցն Խափանու» վերնագրով, Ա. Գուլամիրյանի հրատարակությամբ¹, իսկ վերջերս Սամվել վարդապետ Արամյանի աշխատասիրությամբ լույս տեսան այդ կարևոր աղբյուրի ճշգրտված նախնական և համապատում բնագրերը՝ «Պատմություն Դավանցուց» վերնագրով²: Եթե առաջին հրատարակությունը գիտական շրջանառության մեջ մտավ որպես իրեն շարժման նախաձեռնող ներկայացնող Ստեփանոս Շահումյանի, մասամբ նաև իր զինակիցներից ոմանց պատմածի հիման վրա Դուկաս Ստեփանոսյանի կողմից շարադրված պատմություն, ապա այս նոր, լիակատար հրատարակությունը եկավ վերջնականապես հաստատելու, որ պատմությանը հիմք են հանդիսացել շարժման կարևոր մասնակիցներից՝ նույն Ստեփանոս Շահումյանի և հավասարապես նաև Տեր-Ավետիսի բանավոր նկարագրությունները: Ա. Արամյանի հրատարակած Ա բնագիրը այդ երկու անձնավորությունների պատմածի գրեթե անմիջական գրառումն է³, իսկ Բ բնագիրը այդ զույգ գրառումների հիման վրա խմբագրված «համապատումը»՝ ամփոփված առանձին վերնագրեր կրող երեք գլուխներում⁴: Այս պարագաներում, հասկանալի է, որ նշված բնագրերում շարժման հանգամանքների և նկարագրված ղեկավարի ու ղեմքերի վերաբերյալ որևէ այլ աղբյուրի ամեն մի տեղեկություն կարող է ամրացնել մեր վստահությունը այս եզակի պատմական երկասիրության նկատմամբ և բարձրացնել նրա արժեքը, որպես ճշմարտապատում և հավասար սկզբնաղբյուր:

Այս առումով ուշագրավ տեղեկություն է պարունակում Մեսրոպ եպիսկոպոս Տեր-Մովսիսյանի 1922 թ. հրատարակած, 1746 թ. մի հիշատակարանը, որտեղ, որպես Դավիթ-բեկի աներորդին հանդես եկող Դուզանենց Փարսազանբեկի որդի Քաղին, թվարկելով իր գերդաստանի անդամներին, եղբայրներից մեկի մասին գրում է. «Մեր միս եղբայր Աբուլմասեհն որ Վրաստան պարոնի հրամանալն գնացին տեղն զօրաժողով առնելոյ, որ եղբայրս էլ զօրպ էր, որոց գլխաւորն էր Ալիխանի որդի Դաւութ-պէկն, որ է իմ փեսայ, որը ընդ պարսից և օսմանցոց բազում պատերազմս ետուն, և ի վախճանի անկան ի մարտին»⁵: Դավիթ-բեկին վերաբերող բանավոր գրույցներից ու ավանդություններից բա-

1 Դավիթ բեգ. Ընտիր պատմություն Դավիթ բեգին և պատերազմաց հայոցն Խափանու... Վաղարշապատ, 1871:

2 Դավիթ բեկ կամ «Պատմություն Դավանցուց», աշխ. հ. Սամվել վրդ. Արամյան. Վենետիկ, 1978 (այսուհետև՝ Պատմություն Դավանցուց):

3 Նույն տեղում, էջ 119—145:

4 Նույն տեղում, էջ 147—181:

5 Բանբեր Հայաստանի գիտական ինստիտուտի, գիրք Ա և Բ, Վաղարշապատ, 1921—1922, էջ 136—137, հմտա.: